



13
403
10



113
403
10



太平御覽卷第四十一

地部六

會稽山

天台山

茅山

廬山

羅浮山

蔣山

九疑山

玉笥山

會稽山

吳越春秋曰禹巡天下歸還越會稽脩治國之道以會計名山

又曰禹巡行天下歸還大越登茅山以朝四方群臣觀中州諸侯防風後至斬以徇衆示天下悉以臣屬也乃大會計治國之道更名茅山曰會稽越絕書亦載傳曰勾踐以甲楯五千保於會稽史記曰始皇本紀曰三十七年上會稽祭大禹望于南海

新金圖書

此係明治八年八月廿八日
由田田田田田田田田田田
所購以贈

田田田田田田田田田田

八幡田中

而立石刻頌秦德

九土文括略曰禹禪此山有一石穴委曲黃帝藏書於此禹得之

孔靈符會稽記曰會稽山在縣東南其上石狀似覆釜禹夢玄夷倉水使者却倚覆釜之上是也今禹廟在下秦始皇嘗配食此廟

又曰山有石室云是仙人射堂東高巖有射的石遠望的的如射候形圓視之如鏡土人常以占穀食貴賤射的明則米賤暗則米貴諺曰射的白斛一百射的玄斛一千夏侯曾先志曰此山有石帆壁立臨川湧石亘山遙望芄芄有似張帆也下有懸巖名爲射堂傳云仙人常射於此使白鶴取箭此是會稽東峯郡國志曰山上有草莖赤葉青人死覆之便活

山海經曰會稽之山四方上多金玉下多砮磈上有禹冢及井

天台山

臨海記曰天台山超然秀出山有八重視之如一帆高一萬八千丈周迴八百里又有飛泉懸流千丈似布故登真隱訣云此山在桐柏後四明東南三百里啓蒙記注曰天台山去天不遠路經福溪溪水險清冷前有石橋路逕不盈尺長數十丈下臨絕冥之澗唯忘其身然後能躋躋者梯巖壁捫蘿葛之莖度得平路見天台山蔚然綺秀列雙嶺於青霄上有瓊樓玉閣天堂碧林醴泉仙物畢具晉隱士白道猷得過之獲醴泉紫芝靈藥神異經曰餘姚人虞洪入山採茗遇一道士牽三青羊引洪至天台瀑泉曰吾丹丘子也聞子善具飲常思見惠山

中有大茗可以相給祈子他日有甌蟻之餘不相遺也因立奠祀後常與家人往山獲大茗焉
晉書曰許邁與王羲之書云自山陰至臨海多有金庭玉堂仙人芝草

異苑曰會稽天台山遐遠自非忽生忘形不能躋也赤城阻其逕瀑布激其衢石有莓苔之險淵有不測之深
幽明錄曰漢明帝永平五年剡縣劉晨阮肇共入天台山取穀皮迷不得返經十餘日糧食乏盡飢餒殆死遙望山上有一桃樹大有子實而絕巖邃澗了無登路攀葛捫蘿乃得至噉數枚而飢止體充復下山持杯取水欲盥漱見蕪菁葉從山腹流出甚鮮新復一杯流出有胡麻糝相謂曰此知去人徑不遠度山出一大溪溪邊有二女子姿質妙絕見二女人持盃出便笑曰劉阮二郎捉向所失流杯

來晨肇既不議之二女便呼其姓如似有舊相見忻喜問來何晚耶因要還家家筒瓦屋南壁及東壁下各有一大牀皆施絳羅帳角懸鈴上金銀交錯牀頭各十侍婢便勅云劉阮二郎經涉山阻向難得瓊寶猶尚虛弊可速作食有胡麻飴山羊脯甚美食畢行酒有羣女來各持三五桃子笑而言賀汝婿來酒酣作樂劉阮忻怖交并至暮令各就一帳宿女往就之言聲清婉令人忘憂至十日後欲求還去女云君已來是宿福所牽何復欲還耶遂留半年氣候草木是春時百鳥鳴呼更懷土求歸甚苦女曰當如何遂呼前來女子有三四十人集會奏樂共送劉阮指示還路既出親舊零落邑屋全異無復相識問得七世孫傳聞上世入山迷不得歸
孔靈符會稽記曰赤城山土色皆赤岩岫連沓狀似雲霞

懸霤千仞謂之瀑布飛流灑散冬夏不竭山谷絕澗崢嶸無底長松蔓藟幽藹其上

又曰赤城山內則有天台靈嶽玉室璿臺

又曰天台山舊居五縣之餘地五縣者餘姚鄞句章剡始寧也

孫綽天台山賦曰濟楸谿而直進落五界而迅征

啓蒙記曰天台石橋路徑不盈尺長數十步至滑下臨絕溟之澗

續搜神記曰會稽剡縣民表相根碩二人獵經深山重嶺甚多見一群山羊六七頭遂經一石橋橋甚狹而峻羊去根等亦隨渡向絕崖崖正赤壁立名曰赤城上有水流下廣狹如疋布剡人謂之瀑布羊徑有山穴如門豁然而過既入內甚平敞草木皆香有一小屋二女子住其中年皆

十五六容色甚美著青衣一名瑩珠見二人至忻然云早望汝來遂爲室家忽二女出行云復有得壻者往慶之曳屐於絕巖上行琅琅然二人思歸潛去歸路二女已知追還乃謂曰自可去乃以一腕囊與根語曰慎勿開也於是得歸後出行家人開其囊囊如蓮花一重去復一重至五盡中有小青鳥飛去根還知此悵然而已後根於田中耕家依常餉之見在田中不動就視但有皮殼如蟬蛻也

茅山

茅君內傳曰句曲山秦時名爲華陽之天三茅君居之因而爲名外有金山因壇爲號矣周時名其源澤爲勾曲之穴案山形曲折後人名爲勾曲之山山間有金陵之地四十七八頃是金壇之地肺也居其地必得度世許邁別傳曰延陵之茅山是洞庭西門潛通五岳○茅山

記曰大茅山獨高處玄帝命東海神埋大銅鼎於山頂深
入尺上有盤石鎮之顯頊水德故號玄帝

又曰秦始皇三十七年遊會稽還於此山北埋白璧一雙
勒名素壁

又曰王莽地皇三年七月遣使者章邕陳獻銅鐘五口黃
金百鎰贈之於三茅君

又曰中茅山其山獨處司命君埋玉門丹砂六千斤鎮於
此山深二丈上有盤石鎮之其山左右泉流下皆小赤色
飲之延年益壽左真人就司命乞得一十二斤以合九華
丹山頂石壇石按香爐今存今三陽百姓間多有長壽者蓋太陽北陽朱陽三材耳

又曰小茅山漢光武帝以建武元年三月遣使吳倫賫金

五十斤陳獻三茅君今山頂有埋金處存焉上有聚石
又曰開成中高修女真侯仙姑絕穀六十餘年壽逾百歲
常棲息此山入洞府獲觀勸祥

又曰咸通中東海蓬萊觀龔道者初入此山斷穀茹芝十
餘年後因正月朔旦焚香洞門恍惚之間得人洞中經由
一十三日備見洞府巖壁山川星辰日月靈異難詳

又曰昔仙人捧一大石臨險峻是謂神設一人推之若欲
崩墜百人推之亦復如故。真誥曰中茅前一長嶺直抵
大茅山後古多積金寶故因此著名貞白依東流水合神
丹遺壇竈存疊玉峯大茅山東南三山積疊亦有洞穴俗
多呼疊石石與玉猶為同類山作三角又呼三角山殊無
影響今去葛仙翁壇相近

廬山廬山一千三百六十八丈廣二千里

廬山記曰山高二千三百六十丈周廻二千五百里東南三十二里張僧鑒尋陽記云匡俗周武王時人屢逃徵聘結廬此山後登仙空廬尙在弟子等呼爲廬山又名匡山蓋稱其姓又按豫章記匡俗字君孝父共鄱陽令吳芮佐漢定天下封俗鄱陽廬君兄弟七人皆好道術遂寓精爽於洞庭之山故世謂廬山漢武南巡親見神靈封俗爲文明公一云匡俗漢人一云周武時人未知誰是

遠法師廬山記曰山海經曰廬江三天子都有匡俗先生者出自殷周之際隱遁避世潛居其下或云俗受道於仙人而共遊其嶺遂託室懸岫即巖成館故時人謂其所止爲神仙之廬西南有石門似雙闕壁立千餘仞而瀑布流焉

迹異記曰廬山上有三石梁長數十丈廣不盈尺俯眄杳

然無底咸康中江州刺史庾亮迎吳猛將弟子登山遊觀因過此梁見一老公坐桂樹下以玉杯承甘露與猛猛遍與弟子又進至一處見崇臺廣厦玉宇金房琳琅焜耀輝彩眩目多珍寶玉器不可識見數人與猛共言若舊相識周景式廬山記曰登廬山望九江以觀禹之跡其茲峯乎東南隱諸嶺不得駢矚自廬山人迹所暨迥望無復出此者每雨其下成潦而上猶皎日

遠法師遊山記曰自託此山二十二載凡再詣石門四遊南嶺東望香爐秀絕衆形北眺九流凝神覽視四巖之內猶觀之掌焉傳聞有石井方湖足所未踐

張野廬山記曰廬山天將雨則有白雲或冠峯巖或亘中嶺俗謂之山帶不出三日必雨

尋陽記曰廬山頂上有一池水池中有三石鴈霜落則飛

山北有五老峯於廬山最爲峻極橫隱蒼穹積石巖巉迥
壓彭蠡其形勢如河中虞鄉縣前五老之形故名之

又曰上霄峯在山東南秦皇登之與霄漢相接因名之高
處有刻名之字大如掌皆隱起焉僅百餘言

又曰王敦誅術士吳猛附船日行千里追者但見龍附其
船猛令船人閉目人聞曳撥林木之聲懼而開目龍知人
見遂委舟山頂今艚底在紫霄峯上

又曰陶潛栗里今有平石如砥縱廣丈餘相傳靖節先生
醉卧其上在廬山南

神仙傳曰董奉字君異候官人少有道術居此山多救人
疾苦種杏於此山中十數年杏有十數萬株結實奉乃多
倉廩宣言人買杏多少不須來報但一器穀一器杏多者
則爲猛獸所害人懼無敢欺者得穀悉賑貧乏

羅浮山

南越志曰此山本名蓬萊山一峯在海中與羅山合因名
焉山有洞通句曲又有璿房瑤室七十二所

裴淵廣州記曰羅浮二山隱天唯石樓一路是可登矣

晉中興書曰葛洪上羅浮山中鍊丹在山積年忽與廣州
刺史鄧岱書云當欲遠行岱得書狼狽而洪已亡顏色如
平生體輕弱如空衣時咸以爲神仙

茅君內傳曰羅浮山之洞周五百里名朱明耀真之天

羅浮山記曰羅羅山也浮浮山也二山合體謂之羅浮在
層城博羅二縣之境有羅水南流流于海舊說羅浮高三
千丈長八百里有七十二石室七十二長溪神湖神禽玉
樹朱草相傳云浮山從會稽來今浮山上猶有東方草木
又曰鮑靚字子玄上黨人博究仙道爲南海太守書臨民

政夜來羅浮山騰空往還
 裴淵廣州記曰羅山隱天唯石樓一路時有閒遊者少得
 至山際大樹合抱極目視之如薺菜在地山之陽有一小
 嶺云蓬萊邊山浮來著此因合號羅浮
 名山略記曰羅浮山有阿育王塔三十二所雜道書
 南海郡傳曰羅山諸仙人所遊之山也惡人不得妄上惡
 人上此山有獸即擊之投於巖下

蔣山

輿地志曰蔣山舊名金陵山因此山立名金陵徐爰釋問
 曰諸葛亮以為鍾山龍盤即蔣山也
 金陵圖曰後漢末蔣子文為秣陵尉遂盜鍾山北為賊傷
 額而死常謂青骨死當為神至吳大帝下都子文乘白馬
 慘搔頭執白羽見形故令史白吳王為立廟不爾當百姓

疫大帝猶未信又翊日見於路當令飛蟲入人耳後如其
 言帝乃立廟鍾山封子文為蔣侯改為蔣山即此是也
 沈約宋書云蕭思話領左衛嘗從太祖登鍾山北嶺石上
 彈琴因賜以銀鍾酒謂曰相賞有松石閒意焉
 梁書曰武帝時旱甚詔於蔣山神求雨旬不降帝怒命
 載荻焚廟并其神影白日開朗將起火當神上忽有雲如
 繖蓋須臾驟雨臺中宮殿皆自震動帝詔使停火
 山謙之丹陽記曰京師南北並有連嶺而蔣山獨隆岬峻
 異其形象龍實揚都之鎮也孫權葬山南因為名號曰孫
 陵
 又日出建陽門望鍾山之與覆舟似上東門首陽之與北
 邱也
 金陵地記曰秦始皇時望氣者云金陵有天子氣乃東巡

埋金玉雜寶於鍾山仍斷其地更名曰秣陵
 又曰蔣山本少林木東晉令刺史罷還都種松百株郡守
 五十株
 又曰周顒字彥倫隱居蔣山出為臨海令還罷都欲游舊
 居孔稚珪作北山移文以譏之曰鍾山之英草堂之靈馳
 煙驛路勒移山庭

九疑山

山海經曰九疑山舜所葬為永陵在長沙零陵界秦始皇
 三十七年十一月行至雲夢望祀虞舜於九疑也
 漢書曰武帝元封五年南巡狩至於盛唐望祀虞舜於九
 疑
 山海經曰南山蒼梧之丘蒼梧之淵其中有九淵焉舜之
 所葬在長沙零陵界

湘中記曰九疑山在營道縣九山相似行者疑惑因名九
 疑
 盛弘之荊州記曰九疑山盤基數郡之界連峯接岫競秀
 爭高含霞卷霧分天隔日
 郡國志曰九疑山有九峯一曰丹朱峯二曰石城峯三曰
 樓溪峯形如樓四曰娥皇峯峯下有舜池池傍春月百鳥
 生卵人取之則迷路致本處可得還五日舜源峯此峯最
 高上多紫蘭六曰女英峯舜墓於此峯下七日簫韶峯峯
 下即象耕鳥耘之處八曰紀峯馬明生遇安期生授金液
 神丹之處九曰紀林峯周義山字秀通開石函得李山經
 讀之得仙也有九水七則歸流嶺北二則翻注廣南
 淮南子曰九疑之南陸事寡而水事多
 王歆之神境記曰九疑是舜之葬處也有青澗中有黃色

黃蓮花芳氣音谷此山之表復有二峯望之乃似人形映出雲端如玉積高於諸山頂有飛泉如帶舜廟在山之陽

玉笥山

玉笥山

玉笥山

福地記曰此山土地肥美宜穀辟兵又天監起居注云廬陵太守王希聃於此山龍淵獲劍二口

大真白龜山

經曰日本名羣玉山胚渾初分此山積五色氣

而成形觀若羣玉之狀皆虛無之貌浮焉至包犧氏之時

山乃堅實委地變為五色遂號為羣玉山至夏殷之世人

多採其玉百靈慮損其山形遂化為五色土石而生之叢

木今溪澗之中五色碧赤之石皆古玉變也

玉笥山記曰漢武好仙察衆山之跡知此山為靈感之司

遂於山頂致降真壇日夕祈禱天乃降白玉笥置壇上武

帝遣使取至其壇則飄風大振卷玉笥而去因封為玉笥

山又漢武時邑民伐材於山為廡館闕殿中梁一條邑民相謂曰欲精仙館在其梁棟未可以凡木為之經數旬未獲忽一夜震雷風烈天降白玉梁一條光彩瑩目至今下有玉梁觀至魏武時遣人取之至其山門亭午之際雷霆大震化為白龍擘煙霧而去晉永嘉中有人見在都木巖下梁黃門侍郎蕭子雲聿來棲上兼撰立館碑經五載忽有一人來謂之曰館之東北有洞曰都木坑水自東注可以外居矣子雲遂徙家居之後全家隱洞中不知所之大歷初有道士謝修通者宜春人也入此山不出凡四十年如野人後遇一人引入溪源於溪中得一碑長三尺乃蕭侍郎清虛之館碑更行行半里見宅基古磚瓦石皆異遂結庵居之長慶初入都木坑偶見一宅重扉須臾有一青衣童子招修通入見一人紫綬峩冠珮劍立堂之左一人

碧綬素簡立堂之右童子曰左者蕭君右者槐君即梅福也通乃叩頭再拜求住修通好食小菘二君日子乃葷腥之人安能住此予修通嘉禾五穗松葉半斤令頓服之服之中半二君乃令歸精神似不足眼目睢眙門人相謂曰師修行不出凡七十年為邪氣所亂大道何昧乎通至寶曆初夢人告曰造一精舍待君既寤日且日我當死矣七日而卒門人求備棺觀空見衣冠而已年九十八

太平御覽卷第四十一

太平御覽卷第四十二

地部七

河南宋鄭齊魯諸山
 砥柱山 邙山 熊耳山 鼓鍾山
 陸渾山 嶠山 青要山 三里缺門山
 三塗山 女几山 白馬山 太陰山
 金門山 輟輟山 關塞山 牧牛山
 九山 大嵬山 桑山 半石山
 天心山 小經山 蘭巖山 水泮山
 歷山 南城山 奚公山 嵇山
 曹南山 嶧山 金鄉山 琅邪山
 龜山 徂徠山 危山 報山
 尼丘山 羽山 華不注山 長白山

賈山 陶山 巫山 魚山

穀城山 勞山 蒙山 謝祿山

夾山 桃山 吠狗山

砥柱山

水經注曰砥柱山名也禹治洪水山陵當水者鑿之故破山以通河河水分流包山而過山見水中若柱然故曰砥柱

搜神記曰齊景公渡于江沅之河龍銜左驂沒之衆皆驚惕古冶子於是拔劍從之邪行五里逆之三里至于砥柱之下乃殺龍頭右手挾左驂鸞躍鶴踴而出仰天大呼水爲逆流三百步觀者皆以爲河伯也

說文曰鳳鳥出東方君子之國過崑崙飲砥柱濯羽弱水暮宿風穴

邙山

說文曰邙洛陽北土上邑也

十道志曰邙山在洛陽縣四十里

元和郡國志曰北邙山是隴山之尾一名平逢山亦名邴山

楊佺期洛城記曰北山連嶺修亘四百餘里實古今東洛

九原之地也

又戴延之西征記云邙山西匡東垣亘阜相屬其下有張

母祠即永嘉中此母有神術能愈病故元帝渡江時延聖

火於丹陽即此母也今祠存焉

續漢書五行志曰靈帝時童謠曰侯非侯王非王千乘萬

騎上北邙至中平六年獻帝爲中常侍段珪等數人所執

公卿百官隨其後到阿上乃得還此非侯非王上北邙也

魏略曰魏文帝獵北邙上時盛夏炎暑行者或中暈鮑勛切諫遂因此伏法
魏志曰明帝卽位欲平北邙令登臺以觀見孟津廷尉辛毗諫曰天地之性高高下下今而反之既非其理加以損費人功民不堪役帝乃止

熊耳山

河圖括地象曰熊耳山地門也其精上爲畢附耳星
史記齊桓公曰寡人南伐至邵陵登熊耳山以望江漢
東觀漢記曰赤眉初降輦輪鎧甲兵弩積與熊耳山等
盛弘之荊州記曰南縣脩縣北有熊耳山山東西各一峯
傍竦南北望之若熊耳山多漆下多椶浮豪之水出焉西
流注于洛又案仙書謂此山上有青丹之樹得而服之成
仙

西京雜記曰葉似江籬而紅綠是又有丹青樹葉一青一赤望之如繡長安謂之丹青樹是也

鼓鍾山

山海經曰鼓鍾之山帝臺之所以觴百神者也有草焉方莖而黃華圓葉而三成其名曰烏酸可以爲毒也今名鍾山在陸渾縣西南三十里

陸渾山

水經曰陸渾山伊水出焉今亦號方山漢末隱士潁川胡昭隱居山中有石城遠望之有金壇玉匱晶然閒出尤好竹木泉石時有野人居之長生不死春秋時遷陸渾之戎意其遺類

嶠山

元和郡縣志曰二嶠山在今澠池縣西北一名嶺岑左傳

謂秦將襲鄭蹇叔哭送謂收子骨所後漢末建安中曹公西討巴漢惡其險而更開北山道路多從之便又有石銘云晉太康三年弘農太守梁柳脩復舊道

西征記曰嶠山上不得鳴鼓角鳴則風雨摠至自東嶠至西嶠三十里東嶠長坂數里峻阜絕澗車不得方軌西嶠全是石坂十二里險絕不異東嶠。傳曰杞子自鄭使告于秦曰鄭人使我掌其北門之管若潛師以來國可得也穆公召孟明西乞白乙使出師於東門之外蹇叔之子與師哭而送之曰晉人禦師必於嶠有二陵焉其南陵夏后臯之墓也北陵文王之所避風雨也必死是間余收爾骨焉

漢書曰景帝三年吳楚反以周亞夫為太尉擊吳楚亞夫發至灞上趙涉遮說亞夫曰吳王素宿懷輯死士久矣此

知將軍且行必置間人於嶠澗陬之間將軍何不從此右去趨藍田出武關抵雒陽間不過差一二日直入武庫擊金鳴鼓諸侯聞之以為將軍從天而下也大尉如其計至雒陽使吏搜嶠澗間果得吳伏兵三輔舊事曰鄧禹敗於潼關後大破赤眉於嶠

青要山

山海經曰青要山實惟帝之密都咻水出焉有草黃華赤實服之美人色注水經云強山東阜即驪山有美棗焉

十道志曰青要山又名強山

注水經曰缺門山

山阜之不相接者一里故得名二壁爭高升聳相亂是也

三塗山

地理志曰三塗山在陸渾縣南左傳謂四嶽三塗九州之險或曰三塗者伊關大谷轅轅三道是也

元初郡縣志曰女兒山在福昌縣西南三十四里

山海經曰女兒山上多玉下多金其獸即豹麋麝禽多鷓鴣

十道志曰白馬山注水經云溪水出宜陽白馬山山上有大石厥狀似馬故溪間以物色受名焉

滑州白馬山開山圖云白馬群行山上悲鳴則河決馳走則山崩謂此山也

西征記云山有神白馬故名焉

大陰山

十道志曰太陰山左傳謂晉梁丙陰趨率戎伐潁

又云蠻子赤奔晉之陰地且自雒以東至陸渾謂此山也

阮籍宜陽記曰金山之竹堪為笙管

楊泉物理論云宜陽金山竹為律管河內葭葦為灰可以調氣

又注水經曰金門溪出金門山也

又戴氏西征記云宜陽縣地名金門塢

十道志曰轅轅山在緱氏東南

左傳曰樂盈過周王使候出諸轅轅是也按轅轅道十三曲今置關焉

又按薛綜注東京賦云轅轅坂十二曲道將去復還故曰

輟轅

關塞山

洛陽記曰關塞山在河南縣左傳晉趙鞅納王使汝寬守關塞服虔謂南山伊闕是也杜預云洛西南關口也俗名龍門是也

牧牛山

陽城記曰牧牛山在陽城東八十里下有九十六泉即滄河之上源也父老云昔有一神駁身自山而降下飲泉竭故以為名

九山

陽城記曰九山在縣南三十五里注水經云相澗水經九山東仲長子云昔有上者身遊九山之上施心不拘之鄉即此山也山陰有九山廟碑晉永康二年立文曰九山府

君者太華元子之稱也

大崑山

陽城記曰大崑山在密縣東南五十里即具茨之山黃帝登具茨之山升於洪隄之上受神芝圖於黃蓋童子即此也又名具茨山也又有方山一名浮戲山汜水出焉又有洧水出密縣西南馬嶺山

桑山

左傳曰鄭大旱使屠擊有事於桑山斬其木不雨子產曰有事於山蓺山林也蓺養也而斬其木有罪大矣奪之官邑

半石山

山海經曰半石山其上有草生而秀高大葉與花皆赤而不實其名嘉榮服者不遷喜怒在緱氏南十五里

天心山

道書福地記曰天心之山方圓百里形如城四面有門上有石牆長十餘丈山高谷深多生薇蕨其草有風不偃無風獨搖天心山又名錫義山在豐利縣東六十五里

小經山

山海經曰小經山器難之水出焉舊傳器難之水即索水也小經山一曰嵩諸山俗名周山在滎陽縣三十五里

蘭巖山

神境記曰滎陽縣有蘭巖山峭拔千丈常有雙鶴不絕來往傳曰昔有夫婦隱此山數百年化為兩鶴忽一旦一鶴爲人所害其一鶴歲常哀鳴至今響動岩谷莫知年歲

碭山

水經注曰碭縣分水北有碭山碭芒二縣之間山澤深固

多懷神智有仙者涓子柱主並隱碭山得道漢高隱之呂后望氣知之即於是處也

歷山

水經注曰雷澤西南十許里有一小山孤立峻上停停矚峙詩謂之歷山山北有小阜南屬迤澤之東北有陶墟綠生言舜耕陶所在墟阜聯屬濱帶瓠河也鄭玄云歷山河東今有舜井皇甫謐曰或言今濟陰歷山是也與雷澤相比余謂鄭玄之言爲然故楊雄河東賦曰登歷觀而遙望兮聊浮濟河之巖今雷首歷觀歷山西枕大河校之圖緯於事爲安

南城山

後漢書曰鄭玄漢末遭黃巾之難客於徐州今孝經序鄭氏所作其序云僕避于南城之山棲遲巖石之下念昔先

人餘暇述夫子之志而注孝經蓋康成胤孫所作也今西
上可二里所有石室焉周迴五丈俗云是康成注孝經處
也

奚公山

楊擘徐州記曰奚公山奚仲造車之所山上軌轍猶存

嵇山

水經曰嵇山嵇氏故居也嵇康本姓奚會稽人也先人自
會稽遷于譙之銍縣故為嵇氏取稽字之上以為姓蓋志
本也

曹南山

十道志曰曹南山曹風詩所謂蒼兮蔚兮南山朝躋是也
有汜水出焉即漢書云高祖即位於汜水之陽今壇存焉
汜音汎

嶧山

書禹貢曰嶧陽孤桐泗濱浮磬鄭玄注曰嶧山今在
下邳西葛嶧山也

詩曰奄有鳧嶧遂荒徐宅鳥嶧
二山

爾雅曰魯國鄒縣有嶧山純石相積構連屬而成山

史記始皇本紀曰二十八年始皇行郡縣上鄒嶧山立石

與諸博士議刻石頌秦德

三代地理書曰秦始皇乘羊車登嶧山

鄒山記曰鄒山古之嶧山也孤桐之所植邾文公之所卜

山下是鄒縣本是邾國魯穆公改鄒山從邑變故謂鄒山

嶧陽猶多桐樹地理志嶧山在鄒縣北嶧邑之所依名也

山東西二十里南北一十三里高秀獨出積石相臨殆無

壤土間多孔穴洞達相通往往有數如閭居處其俗謂之

嶧孔遭亂輒將居人入嶧外寇雖衆無所施害永嘉中太

尉郗鑿將鄉曲逃此山胡賊攻守不能得今山南有大嶧
名曰郗公嶧山北有絕巖秦始皇觀禮於魯登於嶧山之
上命丞相李斯以大篆勒銘山嶺名曰晝門詩所謂保有
蒲嶧者也

金鄉山

戴延之西征記曰焦氏山北數里有漢司隸校尉魯恭穿
山得白蛇白兔不葬更葬山南鑿而得金故曰金鄉山山
形峻峭冢前有石祠石廟廟四壁皆青石隱起自書契以
來忠臣孝子貞婦及孔子弟子七十二人形像像邊皆刻
石記之文字分明又有石狀長八尺磨瑩鮮明叩之聲聞
甚遠時太尉從事中郎傅珍之諮議參軍周安穆析敗石
牀各取之爲魯氏之後所訟三人並免官

琅琊山

史記始皇二十六年滅齊遂登琅琊山築層臺於上秦皇
樂之因留三月是也

郡國縣道記云琅琊臺在故城東南十里州東南一百七
十里臺上有始皇碑碑上有六百字可識餘多剝落臺側
有四時祠卽齊地八祠之一又云臺上有神泉人或汗之
卽立竭

龜山

水經注曰龜山在博縣一十五里昔夫子傷政道之陵遲
故望山而懷操故琴操有齊龜山操焉山北卽龜陰之田
也春秋定公十年齊人來歸龜陰之田是也

徂徠山

水經注曰鄒山記云徂徠山在梁甫奉高博三縣界猶有
美松亦曰九竦之山

危山

漢書五行志曰哀帝時無鹽危山土自起覆草如馳道狀

報山

又報山石轉立晉灼曰漢注作報山山脅石一枚轉側起立高九尺六寸旁行一丈廣四尺東平王雲及后謁自之石所祭治石象報山立石束倍草并祠之三年息夫躬告之王自殺后謁棄市國除

尼丘山

水經注曰沂水出魯城東南尼丘山西北山即顏母所祈而生孔丘也山東一十里有顏母廟防山南數里孔子父葬處禮所謂防墓崩者也

羽山

十道志曰羽潭一名羽池潭東有羽山

又漢志曰東海郡祝其縣有羽山殤鯀之所
又郡國志云鍾離沫城有羽泉殤鯀處其水恒清牛羊不飲

書曰殤鯀于羽山

又曰蒙羽其藝

左傳昭公七年鄭子產聘于晉平公有疾韓宣子逆客私焉曰寡君寢疾于今三月矣並走群望有加而無瘳今夢黃熊入于寢門其何厲鬼也對曰以君之明子為大政其何厲之有昔堯殤鯀于羽山其神化為黃熊入于羽淵實為夏郊三代祀之也韓子祀夏郊平公乃閒

華不注山

傳曰齊師與晉戰於鞏齊師敗績晉逐之三周華不注山水經曰華不注虎牙架立孤峯特起青崖發翠同點黛焉

長白山

郡國志曰長白山陳仲子夫妻隱處
郭氏述征記云長白山能興雲雨山西南有大湖山二山
並有石室敗赤漆船上有記皆謂之堯時物

贛山

三齊略記曰鄭玄刊注詩書棲贛山今山有古井不竭猶
生細草葉形似韭俗稱鄭公書帶

陶山

齊地記曰范蠡浮海出齊變姓名自號鴟夷子閒行止於
陶山因號陶朱公焉後改曰鴟夷山在今平陰縣東

巫山

又曰巫山一名孝堂山
左傳曰齊侯登巫山以望晉師卽此山也山上有石室俗

云郭巨葬母之所因名孝堂山焉在平陰縣

魚山

郭延生述征記曰魚山一名五山瓠子歌所謂也魏熹平
中有神女成公智瓊降茲超室後復遇此山陌上

又西征記曰魚山臨河神女智瓊與弦超會所魏陳思王
曹植嘗登此山有終焉之志遂葬其西亦其所封國也魚

山在東阿縣東北

穀城山

漢書曰謂穀城山昔張良受黃石公素書云山下黃石卽
吾也穀城山一名黃石山在東阿縣東北

勞山

伏琛齊記曰不其城南二十里有大勞山小勞山在海側
晏謀齊記曰俗云太山自言高不如東海勞卽此也

蒙山

高士傳云老萊子隱於蒙山之陽以葭為蓋蓬為室岐木為牀著艾為蓆衣縕飲水墾山播植楚王親至其門方織畚王去有間其妻戴畚菜挾薪而至問車馬跡之多答曰楚王妻曰可食以酒肉者可加以鞭捶可受以官祿者可隨以鈇鉞先生受人官祿為人所制妾不能為人所制者妻乃投畚菜而去也

東蒙山在蒙山之東故曰東蒙論語云昔者先王以為東蒙主是社稷之臣何以伐為

謝祿山

郡國志曰東海郡有謝祿山按漢書王莽時東海徐宣謝祿等擊王莽將田況大破之曾屯兵於此因名謝祿山在縣西一里

夾山

地理志曰懷仁縣有夾山

左傳齊魯會于夾谷即此也在縣西四十里

桃山

地理志曰桃山即華萊山也一名義珠山山上有井不可窺窺者不盈歲輒死

又云山上井有鳥巢於井中此鳥金喙黑色見則大水

吠狗山

又地理志曰吠狗山宋武北伐南燕之時至此山夜聞犬吠明日視之唯見石狗

太平御覽卷第四十二

水經曰白於山今名女郎山上多松柏下多櫟檀其獸多
 斗山 臺子山 長圍山
 雞籠山 梁山 都梁山
 八公山 蔡山 玉鏡山
 雲母山 濠塘山 九鬪山
 苦菜山 大洪山 赤岸山
 桐柏山 武當山 大狐山
 蕪山 峴山 白馬塞山
 商山 玄扈山 望楚山
 白於山 商山 玄扈山 望楚山
 石梁山 蕪山 峴山 白馬塞山
 高車山 桐柏山 武當山 大狐山
 石魚山 苦菜山 大洪山 赤岸山
 莫耶山 雲母山 濠塘山 九鬪山
 塗山 八公山 蔡山 玉鏡山
 皖山 雞籠山 梁山 都梁山
 斗山 臺子山 長圍山

太平御覽卷第四十三

地部八

支阜山

商洛襄鄧淮蔡諸山
 玄扈山 望楚山
 白於山 商山 玄扈山 望楚山
 石梁山 蕪山 峴山 白馬塞山
 高車山 桐柏山 武當山 大狐山
 石魚山 苦菜山 大洪山 赤岸山
 莫耶山 雲母山 濠塘山 九鬪山
 塗山 八公山 蔡山 玉鏡山
 皖山 雞籠山 梁山 都梁山
 斗山 臺子山 長圍山

水經曰白於山今名女郎山上多松柏下多櫟檀其獸多

昨音昨牛狍羊鳥多白鴉洛水出于其陽東注于涇也

又云洛水源出縣北白於山

又曰漢水女郎山山上有女郎冢遠望山墳崔嵬狀高及即其所裁有墳形山上直路下出不生草木世人謂之女郎道下有女郎廟及擣衣石言張魯女也

商山

盛弘之荊州記曰上洛有商山班孟堅西都賦所謂商洛緣其隅高士傳謂地肺即此也

晉書曰董景道少好學千里隨師略不與人交通永平中知天下將亂隱商洛山衣木皮葉食樹果彈琴歌嘯以自娛至劉曜時徵拜太常辭以壽終

玄扈山

春秋合成圖曰黃帝遊玄扈上洛與大司馬容光左右輔

周昌等百二十人臨之有鳳銜圖以置帝前玄扈山在上洛縣北一百里

望楚山

襄陽記曰望楚山有三名一名馬鞍山一名災山宋元嘉中武陵王駿為刺史屢登之鄙其舊名望郢山因改為望楚山後遂龍飛是孝武望之處時人號為鳳嶺高處有三塔即劉弘山簡九日宴賞之所也

石梁山

襄陽記曰襄州石梁山山起白雲則雨黃雲則風黑雲則蠻多病

薤山

襄陽記曰襄陽縣薤山山上有竹三年生一笋笋成竹死代謝如春秋焉

峴山

十道志曰羊祜常與從事鄒潤甫共登峴山垂泣曰自有宇宙便有此山由來賢達勝士登此遠望如我與卿者多矣皆湮滅無聞不可得知念此使人悲傷我百年後魂魄猶戀此山也潤甫對曰公德冠四海道嗣前哲令聞令望當與此山俱傳若湛輩乃當如公語耳後以州人思慕遂立羊公廟并碑於此山

白馬塞山

盛弘之荊州記曰孟達為新城太守登白馬塞山而歎曰劉封申耽據金城千里而不能守豈丈夫也為上渚吟至今猶傳此聲韻憤激其哀思之音乎遊者云重山疊郭事亦信然也

高車山

高士傳曰高車山上有四皓碑及祠皆漢惠帝所立也漢高后使張良詣南山迎四皓之處因名高車山也

桐柏山

河圖括地象曰桐柏山為地穴上為維星

荊州圖副曰桐柏山禹貢所謂導淮自桐柏者也其山則

雲峯秀峙林堆椅柏潛澗吐雷伏流數里

武當山

山記曰武當山區域周迴四五百里中央有一峯名曰參嶺高二十餘里望之秀絕出於雲表清朗之日然後見峯一月之間不見四五輕霄蓋于上白雲帶其前且必西行夕而東返常謂之朝山蓋以衆山朝揖之主也

又南雍州記曰武當山有石門石室相承云尹喜所棲之

地又陰君內傳云君字長生入武當山昇仙是也

又郭仲產南雍州記曰武當山廣三四百里山高巖峻若博山香爐茗亭峻極于霄出霧學道者常百數相繼不絕若有於此山學者心有隆替輒爲百獸所逐山海經曰祭水源伏流三百餘里漢武帝遣殿上將軍戴生之此山採仙藥遂得道不返甄異傳曰歷陽謝允字道通年十五爲蘇峻賊軍王免所掠賣屬東陽蔣鳳家嘗行山中見虎檻中狗竊念狗餓以飯餒之入檻方見虎攀木仰看允謂虎曰此檻本爲汝施而我幾死其中汝不殺我我放汝乃開檻出虎賊平之後允詣縣別良善烏程令張球不爲申理桎梏楚允夢見人曰此中易入難出汝有慈心當救拯迴見一少年通身黃衣遙在柵外時進獄中與允言語獄吏知是異人由此不敢枉允蒙理還都西上武當山太尉庾公聞而愍之給

其糧資隨到襄陽見道士說吾師戴先生孟盛子非世間人也勅若有西上欲見我者可將來得無是君允因隨去入武當山齋戒三日進見先生乃是昔日所夢人也問允復見黃童不因賜以神藥三丸服之便不飢渴無所思欲先生亦無常處時有祥雲紫氣蔭其上或聞芳香之氣徹於山谷

大狐山

水經注曰大胡山在泚陽北如東三十餘里廣圓五六十里張衡西都賦所謂天封大胡者也胡一作狐南陽圖注曰山有大石如狐

石魚山

水經注曰石魚山本名立石山高八十餘丈廣十里石色黑而理若雲母開發一重輒有魚形鱗鱗首尾有若刻畫

長數寸魚形備足燒之作魚膏腥因以名之

苦菜山

郡國志曰苦菜山卽黃城山也自葉至泚陽南北相毗連直百里亦曰長城山卽長沮桀溺耦耕處下有東流水卽子路問津之所尸子云楚狂接輿耕於方城卽此山也春秋曰方城以爲城是也

大洪山

水經注曰蔡陽縣東南大洪山山在隨郡之西南竟陵之東北盤基所跨廣圓一百餘里峯曰懸鉤處衆阜之中爲諸嶺之秀山下有石門狹鄣層峻岩高皆數百許仞入石門又得鍾乳穴上素崖壁立非人跡所及穴中多鍾乳凝膏下垂望齊冰雪微津細液滴瀝不斷幽穴潛遠行者不窮其深而穴內常有風勢火無能以經久故也隕水出

于其隕陰初流淺狹遠乃寬廣可以浮舟楫矣時人以隕水所導故亦謂之爲隕山

赤岸山

南兖州記曰瓜步山東五里江有赤岸山南臨江中羅君章云赤岸若朝霞卽此類也濤水自海入江衝激六七百里至此岸側其勢始衰郭景純江賦云鼓洪濤於赤岸

莫耶山

壽春圖經曰莫耶山長老傳云古者於此山鑄莫耶劍因爲山名○史記賈誼吊屈原篇云莫耶爲鈍兮鉞刀爲鋒注云莫耶吳大夫姓也○王僧虔吳郡地理志云吳人造劍二陽曰干將陰曰莫耶莫耶其妻名也○又淮南記云濛水合流于金塘源出縣西莫耶山是也

雲母山

壽春圖經曰雲母山一名濠上山在州東南四十里按神仙傳云彭祖服食雲母時人共傳採於此山今或有道者採取不已

濠塘山

壽春圖經曰濠塘山在縣南六十里有濠水出焉古老所傳緣山泉灌濠成塘故以為名山穴多出鍾乳并有蝙蝠白艾色於穴中倒懸微帶紫色居人或有九月己後二月己前採取服之頗益壽

九關山

壽春圖經曰九關山一謂陰陵山江表傳云項羽敗烏江取此山過漢遣灌嬰兵追羽至此一日九戰因名九關山今石猶有磨刀礪鏃之跡

塗山

應劭漢地理志曰禹娶塗山塗山有禹墟

太康地記曰塗山古當塗國夏禹所娶也山西南又有禹村蓋禹會諸侯於塗山在禹貢揚州之域今九江當塗縣有禹娶之地今邑界有當塗故城存焉即漢為縣後廢郡國志曰平阿縣有當塗山淮水出于荆山之左當塗之右奔流二山之間而揚濤北注也

春秋左氏傳曰哀公七年諸大夫對孟孫曰禹合諸侯於塗山執玉帛者萬國杜預注曰塗山在壽春東北非也余案家語曰吳伐越至會稽獲骨焉其節專車吳子使使問孔子孔子曰丘聞之昔禹致群臣於會稽之山防風氏後至禹殺之其骨專車此為大也蓋丘明親承聖旨錄為實證矣又案劉向說苑辨物王肅之敘孔子世孫孔鼂所出先人書家語並出此事故塗山有會稽之名考校群書及

方土之目疑非此矣蓋周穆之所會矣

水經注曰壽春縣八公山無樹木唯重阜耳山上有淮南王劉安廟劉安是漢高帝之孫厲王長之長子也折節下士篤好儒學養方術之徒數千人多神仙秘法鴻寶之道忽有八公皆鬚眉皓素詣門希見門者曰吾王好長生今先生無住衰之術未敢聞八公咸變成童王甚敬之八士並能鍊金化丹從有入無乃與安登山埋金於地白日昇天餘藥在器雞犬舐之者俱得上昇其所昇之處踐石皆陷入焉故山即以八公為目

蔡山

懷寧圖經曰蔡山出大龜尚書云九江納錫大龜即謂蔡山也

玉鏡山

懷寧圖經曰玉鏡山在縣北萬歲鄉界貞元二年從皖山東面忽然爆裂皎然如玉行路遠見如鏡懸焉其年刺史呂謂聞奏因山改萬歲為玉鏡鄉其山西隅連皖山東面漢書地理志曰皖山在灊山天柱峯相連其山三峯鼎峙疊障重巒拒雲槩日登涉無由山經云皖山東面有激水冬夏懸流狀如瀑布下有九井井有一石牀可容百人其井莫知深淺若天時亢旱則殺一犬投其中即降雷雨犬亦流出

雞籠山

歷陽圖經曰雞籠山在縣西北淮南子云麻湖初陷之時有一老母提雞籠以登此山因化為石今山有石狀如雞

籠因爲名也

歷陽圖經曰梁山在縣南俯臨江水南之博望山。宋書云孝武帝大明七年登梁山大閱水軍于中江是日有雀二集于華蓋有司奏請改元爲神雀元年帝不許因立雙闕於梁山

都梁山

盱眙圖經曰都梁山周迴三十里在縣南按廣志云都梁山涯生蘭草一名梁香草故以爲名在楚州西南二百九里又阮昇之記云都梁山通鍾離郡廣袤甚遠出桔梗芫花等藥。伏滔北征記云有都梁香草因以爲名。又日隋大業元年煬帝立宮在都梁東隣鬱西枕長淮南

望岩峯北瞰城郭其中宮殿三重長廊周迴院之西又有七眼泉涌合爲一流於東泉上作流盃又於宮西南淮側造釣魚臺臨淮高峯別造四望殿其側又有曲阿以安龍舟大舸枕倚淮湄縈帶宮殿至十年爲孟讓賊於此置營遂廢

斗山

盱眙圖經曰斗山周迴二十里在縣西南與都梁山相連枕淮水險峻名曰斗山

臺子山

盱眙圖經曰臺子山周迴二十里在縣東一里案宋書云元嘉二十七年宋將臧質引兵下造弩臺以射城中因以爲名按臺子山在楚州西南是

長圍山

盱眙圖經曰長圍山

在縣西南

七

太平御覽卷第四十四
地部九

盱眙圖經曰長圍山周迴四里在縣北七里上置軍營將
 士一千人守捉至德二年節度使高適置按宋書云元嘉
 二十七年宋文帝遣臧質拒魏太武帝遂於梁山築長圍
 城造浮橋絕水路即此山又改為長圍山當在楚州西南
 一百八十里

太平御覽卷第四十四
 太平御覽卷第四十四
 太平御覽卷第四十四
 太平御覽卷第四十四
 太平御覽卷第四十四

太平御覽卷第四十四

地部九

關中蜀漢諸山

- | | | | |
|-----|-----|-----|-----|
| 吳山 | 驪山 | 龍首山 | 九嶷山 |
| 截薛山 | 雞頭山 | 牛首山 | 藍田山 |
| 笄頭山 | 賀蘭山 | 太白山 | 五將山 |
| 仇池山 | 青城山 | 邛崃山 | 岷山 |
| 石鏡山 | 緩山 | 覆船山 | 牛頭山 |
| 董政山 | 彭亡山 | 鼎鼻山 | 靈臺山 |
| 黃厥山 | 靈山 | 猿門山 | 金山 |
| 五婦山 | 玉女山 | 祁山 | 閬山 |
| 盤龍山 | 銅梁山 | 高粱山 | 青石山 |
| 雲南山 | 禺同山 | 弔鳥山 | |

太平御覽
卷第四十四
地部九

吳山

周禮雍州其山鎮曰吳嶽孫炎曰雍州鎮有吳嶽山也郭璞曰吳嶽別名開山漢書地理志云吳山在汧縣西國語謂之西吳秦都咸陽以爲西岳○酈元水經注云汧水水發南山西側俗以此山爲吳山其山三峯望之恒有落勢山下有石穴廣四尺高七尺水溢石穴懸波傾注涌瀾奔盪發源成川北流注于汧是也

驪山

三輔故事曰始皇葬驪山起陵高五十丈下錮三泉周廻七百步以明珠爲日月魚膏爲脂燭金銀爲鳧鴈金蠶三十箱四門施徹奢侈太過六年之間爲項籍所發放羊兒墮羊塚中燃火求羊燒其椰藏。

述征記曰長安東則驪山西則白鹿原北望雲陽悉見山阜之形而恒若在雲霧之中孟康曰昔周幽王悅褒姒不笑王乃擊鼓舉烽以徵諸侯至而無寇褒姒乃笑王甚悅之及犬戎至王舉烽以徵諸侯不至王逐敗身死于驪山之北

龍首山

辛氏三秦記云龍首山長六十里頭入渭水尾連樊川頭高二十丈尾漸下高五六丈上赤不毛昔有黑龍從山出飲水其行道成土山今長安城即䟽山爲臺殿基址不假築其舍元殿卽龍首山之東麓高敞爲京城之最階高於平地三十餘尺南去丹鳳門四百餘步中無間隔左右寬平東西廣百步西都賦云漢之西都寔曰長安左據函谷二嶠之阻右界褒斜龍首之險表以太華終南之山帶以

洪河涇渭之川即此山之形勢也

四夷郡國縣道記曰九嶷山東連仲山西當涇水出焉九嶷高六百五十丈周十五里在咸陽

四夷郡國縣道記曰截嶭山在雲陽縣東北十里一名慈峨山俗云嵯峨山頂有雲起即雨里人以為候昔黃帝鑄鼎於此山

雞頭山

崔鴻十六國春秋云石生不能守長安欲西上隴士卒散盡遂入雞頭山為追兵所害山在鄠縣東

牛首山

山海經曰牛首山澇水出焉而注于潏水是多飛魚狀似

組可療痔疾

又云牛首山有鬼草赤莖葉如葵秀如禾服之使人不憂

藍田山

後魏風土記云藍田山巔方二里仙聖遊集之所劉雄鳴學道於山下有祠甚嚴亦灞水之源此西又有尊盧氏陵次北又有媧氏谷則知此地是三皇舊居於是

筭頭山

史記云黃帝西至于崆峒筭頭山

圖經云筭頭山在涇陽西禹貢涇水所出

淮南子云薄落山一名筭頭山

注水經云大隴之山異名耳莊子謂廣成子學道於崆峒之山亦黃帝問道於廣成子蓋在此山按今肅州又有崆峒峒山未詳孰是今此見有柏堂在山頂上不知何代所置

也後漢隗囂使王孟塞雞頭道謂此山也

涇陽圖經曰賀蘭山在縣西九十三里山上多有白草遙望青白如駮北人呼駮馬為賀蘭鮮卑等類多依山谷為氏族今賀蘭姓者皆因此山名

賀蘭山

辛氏三秦記曰太白山南有陳倉山山有石與山雞不別

趙高燒山雞飛去晨鳴山頭聲聞三十里或謂是玉雞

錄異傳云秦文公時雍南山有大梓樹文公伐之輒有大風雨樹生合不斷有一人病夜往山中聞有鬼語樹神秦

若使人被髮以朱絲繞伐樹汝得不憂否文公如其言伐

樹樹斷中有一青牛出走入澧水中復出使騎擊之不勝騎墮地復上髮解牛乃畏之入水不出故置髭頭騎也

崔鴻十六國春秋云符堅為慕容冲所逼長安城中有書

曰帝出五將久長得先是又謠曰堅入五將久長得堅大

信之率騎數百出五將宣告州郡期以孟冬救長安堅至

五將山姚萇遣將軍吳忠圍堅衆奔散忠執堅以歸新平

即此山也

辛氏三秦記云仇池山上有百頃地半如砥其南北有山

路東西絕壁百仞上有數萬家一人守道萬夫莫向山勢

自然有樓櫓御敵之狀東西二門盤道可七里上有岡阜

泉源史記謂秦得百二之固也西晉未為氐陽茂搜所據於山上立宮室園倉皆為板屋乃氐之所埋於此今謂之

洛谷道是也

秦州記曰仇池山本名仇維山形似覆壺上廣百頃下周
數十里高二十餘里壁立千仞自然樓櫓卻敵分置均調
竦起數丈有如人力也
福地記曰青城山高三千六百丈周匝五千里有甘露芝
草天池醴泉
玉匱經云黃帝封爲五岳丈人乃岳瀆之上司員仙之崇
秩一月之內群岳再朝六時灑泉以代晷漏一名赤城一
名青城都一名天谷山亦爲第五大洞寶仙九室之天對
郡之西北在岷山之南群峯掩映牙相連接靈仙所宅祥
異則多○益州記云崗巒粵連嶺千里上有仙都
地理志云西徼之外江水所出天彭青城連峯不絕○李
膺記云入山七里至赤石城有羊馬臺三師壇上五里至

瀑布水澗二百步有二石梯有一石笋高三丈過二石門
絕崖數百丈下起常道觀高峯下有冰六時灑落東北有
二石室名龍宮可容百餘人從龍宮過石室至石梯名龍
橋又有一石梯洞穴深淺莫知所極西北有石室宛然見
存又有黃帝壇石法天地上圓下方闊一丈二尺有十二
角觀東有石日月各闊五尺厚一尺二寸相對柱上烏兔
輝鏤方圓磅礴可觀
五岳真形圖云洞天所在之處其下別有日月分精以照
其中龍橋處二山相去百餘步其峯危竦相對橋在峯首
其橋中半漸漸促小可六七寸長一丈五尺兩邊懸崖俯
臨不測山傍有誓石天師張道陵與鬼兵爲誓朱筆畫山
青崖中絕今驗斷處石並丹色闊二十丈深六七丈望之
赧然

邛崃山

山海經曰崃山江水出焉今在漢嚴道縣南中江所其陽出有山九折坂出巽似熊多黃金其陰多麋其木多檀柘也華陽國志曰嚴道縣南有邛崃山山上凝冰夏結迴曲九折王陽去官之所

岷山

山海經曰岷山江水出焉而東流注于大江其中多怪蛇有鳥焉其狀如鴉而赤身白首其名曰竊脂可以禦火

石鏡山

華陽國志曰疊州合川縣石鏡山在縣西北四十五里其山有石瑩皎絜照之莫不備見形體故謂之石鏡山山下又有銅窟隋初於此置監鼓鑄錢刀焉

綏山

列仙傳曰葛由者蜀之羌人周成王時刻木為羊賣之一旦乘木羊入蜀蜀中王候賓之上綏山山在安固縣東三十里隨之人皆得仙術

覆船山

十道錄曰覆船山堯遭洪水維舟樹下船因覆焉又益州記云覆船山中十五里有七里坂一名羊腸坂屈曲有壁立難之路

牛頭山

九州記云牛頭山昔日葛仙翁多遊於此今立為寺與白獸山相連昔秦時有白獸為害夷人射因刻白石於此山今遺像尚存

董政山

十道記曰董政山隋開皇中縣令董叔封高雅之士去官

之後民咸思其德因指此山為董政山

彭亡山

十道記曰彭亡山後漢將軍岑彭征公孫述於此山戰死故號曰彭亡山

鼎鼻山

十道記曰鼎鼻山周道衰微九鼎淪亡於此山之下其水清澈今民猶或見其鼎耳

靈臺山

十道記曰靈臺山在縣北一名天柱山高四百丈即漢張道陵昇真之所

郡國志曰靈臺山天柱崖下有一桃樹高五尺皮是桃心肉似柏張道陵與王良趙昇試法於此四百餘年桃迄今不朽小碑記之

黃厥山

郡國志曰黃厥山有鍾乳穴十九又西岸有自然石塞其下流水上有一縣石似磬驚之有聲可聽

靈山

郡國志曰靈山昔有神女於此擣衣因號擣衣山山南絕巖有方石明瑩謂之玉女擣練砧又有盤龍山以山形如盤龍也

猿門山

益州記云猿門山在涪縣之北二十五里上多猿其山二峯礫豎如門故曰猿門

金山

益州記曰金山在涪縣東五十步東臨澗水光照映川又李膺記云金山長七八里每夏潦雨有崩處即金粟散

出是也

五婦山

蜀記云梓潼縣有五婦山一名五婦臺秦王遣蜀王美女五人蜀王遣五丁迎女至梓潼五丁蹋地大呼驚五女並化爲石蜀王築臺登而望之因名爲五婦候臺焉

玉女山

梁州記云肥城東南有玉女山山有一石穴中若房宇有玉女入穴不出穴前有脩竹下有石壇風微動竹拂壇如箒

祁山

關山圖曰漢陽西南有祁山九州之名阻天下之奇峻蜀志云建興六年諸葛亮率師攻祁山不拔卽謂此也又按九州志云祁山上有高樓武陟二神祠每歲郡邑祀

之

又周地圖地記云其城卽漢時守將所築

閬山圖經曰閬山四合於郡故曰閬中按名山志云閬山多仙聖遊集焉

盤龍山

李膺益州記云閬中盤龍山南有一石長四十丈高五尺當中有戶及扇若人之掩閉古老以爲玉女房

銅梁山

左太冲蜀都賦云外負銅梁宕渠張孟注云銅梁山名也按其山有桃枝竹西連亘二十餘里山嶺之上平整遠望諸山而此獨秀也

高粱山

太平御覽

卷四十四

七

江源記云南浦郡高梁山尾東跨江西首劔閣東西數千里山嶺長峻其峯崔嵬於蜀市望之若長雲垂天一日行之乃極其頂俯視衆山浪若平原劔閣銘所謂巖梁山積石峩峩卽迹此也

青石山

益州記云昔巴蜀爭界久而不決漢高帝八年一朝密霧石爲之裂今猶如之自上及下破處直若引繩焉於是州界始判山上有古神祠甚靈今名青石山

雲南山

九州要記云雲南郡山山有祠處石室稱黃石公祀之必用紙一百張筆一雙墨一丸室內有啓必知吉凶但不見其形

禺同山

九州要記曰禺同山有金馬碧雞之祠

弔鳥山

九州要記曰弔鳥山在葉檢縣葉檢則雲南郡廢邑也山上有鳥千百群飛喞啾一歲必一度大集卽鳳凰死也

太平御覽卷第四十四

太平御覽卷四十四
之乃陸其源... 太平御覽卷四十四

太平御覽卷四十四
其源... 太平御覽卷四十四

太平御覽卷第四十五

地部十

河北諸山

大伾山 大伾山 大伾山 大伾山 大伾山 大伾山 大伾山 大伾山 大伾山 大伾山

蘇門山 蘇門山 蘇門山 蘇門山 蘇門山 蘇門山 蘇門山 蘇門山 蘇門山 蘇門山

萬谷根山 萬谷根山 萬谷根山 萬谷根山 萬谷根山 萬谷根山 萬谷根山 萬谷根山 萬谷根山 萬谷根山

靜巖山 靜巖山 靜巖山 靜巖山 靜巖山 靜巖山 靜巖山 靜巖山 靜巖山 靜巖山

五臺山 五臺山 五臺山 五臺山 五臺山 五臺山 五臺山 五臺山 五臺山 五臺山

元姬山 元姬山 元姬山 元姬山 元姬山 元姬山 元姬山 元姬山 元姬山 元姬山

白登山 白登山 白登山 白登山 白登山 白登山 白登山 白登山 白登山 白登山

三山 三山 三山 三山 三山 三山 三山 三山 三山 三山

發鳩山 發鳩山 發鳩山 發鳩山 發鳩山 發鳩山 發鳩山 發鳩山 發鳩山 發鳩山

大抱犢山 大抱犢山 大抱犢山 大抱犢山 大抱犢山 大抱犢山 大抱犢山 大抱犢山 大抱犢山 大抱犢山

于山言山 于山言山 于山言山 于山言山 于山言山 于山言山 于山言山 于山言山 于山言山 于山言山

黑山 黑山 黑山 黑山 黑山 黑山 黑山 黑山 黑山 黑山

鮮卑山 鮮卑山 鮮卑山 鮮卑山 鮮卑山 鮮卑山 鮮卑山 鮮卑山 鮮卑山 鮮卑山

隆慮山 隆慮山 隆慮山 隆慮山 隆慮山 隆慮山 隆慮山 隆慮山 隆慮山 隆慮山

鼓山 鼓山 鼓山 鼓山 鼓山 鼓山 鼓山 鼓山 鼓山 鼓山

雷公山 雷公山 雷公山 雷公山 雷公山 雷公山 雷公山 雷公山 雷公山 雷公山

湯山 湯山 湯山 湯山 湯山 湯山 湯山 湯山 湯山 湯山

大碣石山 大碣石山 大碣石山 大碣石山 大碣石山 大碣石山 大碣石山 大碣石山 大碣石山 大碣石山

川喬山山 大翻山小翻山 飛龍山

無終山 燕山 龍山 孔山

韓晉大伾山 干山 黑山

隋圖經曰大伾山按書云至于大伾又名青檀山今名黎

陽東山火山 三山 野山 露山

劉澄山川記云黎國也詩云黎侯寓于衛衛以中露泥中

二邑處之乃國名也 五臺山 壽泉山 壽山

又張揖云成臯山是大伾山即謬矣 靈山 嵐山

蘇門枉人山 萬谷 蘇門 齊山 嬰山

隋圖經曰枉人山俗名上陽三山或云紂殺比干於此山

因得名古凡伯國之地也

鮒鰓山

山海經曰鮒鰓山顓頊葬其陽九嬪葬其陰四蛇衛之鮒

鰓山者蓋今廣陽山之別名也。

郡國志曰顓頊所葬俗名青冢山焉

水經注曰天門山俗謂之百家巖下可容百家故以為名

山有石穴狀如門纔得通人自平地東南入便至天井

蘇門山 蘇門山

十道志曰蘇門山一曰蘇嶺俗又名五巖山魏氏春秋云

即阮籍見孫登長嘯有鳳皇集登隱之處故號登為蘇門

先生

萬谷根山

郡國志曰晉陽萬谷根山即羊腸坂也

皇甫謐云羊腸塞在龍山西即晉陽西北古西河上郡關

於此隋煬帝大業四年經此幸汾陽改名深谷嶺

十二州志云晉陽有羊腸蟠曲在其西北九十里也
又隋圖經曰矢山去萬谷根山二十里頭上有石墟魏太
武避暑之所羊腸坂在焉

郡山

後魏興國土地記曰大原郡山有石室方丈四尺四壁有
篆字人莫之識
隋圖經曰嬰山為並州之主

又曰牢山在太原縣東北
後魏書劉聰遣子粲襲據晉陽猗廬救之遂獵于受陽牢
山陳闕皮肉山為之赤也

介山

并州記曰介山一名橫嶺
左傳僖二十四年晉侯賞從亡者介之推不及祿遂與母
偕隱而死晉侯求不獲以綿上田封之曰以志吾過且旌
善人杜注曰西河介休縣南有地名綿上也

靜巖山

郡國志曰靈石縣有靜巖山在東北二十里即太岳也下
有五龍泉即文公封推綿上之田是也

風山

水經注曰河水南經北屈縣故城西十里有風山上有穴
如輪風氣蕭瑟習常不止當其衝飄也而略無生草蓋常
不定眾風之門故也

管涔山

水經注曰管涔山汾水所出土人亦云箕管山見多管草

或以為名又為管子山

前趙錄云劉元海族子曜嘗隱避於管涔之山夜忽有二童子入跪曰管涔王使小臣奉謁趙皇帝獻劔一口置前再拜而去以燭視之劔長二尺光輝非常背有名云神劔服御除衆毒曜遂服之隨時變為五色也又有三城堆故縣城於此置也又有汾陽宮隋大業四年置隋末廢也又有汾水出山陽

山海經云管涔之山汾水出焉西流至于河

十二州記云汾水出周武縣之燕京山蓋管涔之異名也

五臺山

水經注曰五臺山其上五巒巍然故曰五臺晉永嘉三年鴈門郡人五百餘家避亂入此山見山中人為先驅因而不返遂寧巖野往還之士稀有望見其村居者至請尋訪

莫知所在故俗人以為仙者之都矣中臺之山山頂方三里西北陬有一泉水不流謂之太華泉蓋五臺之層秀仙經云此山名為紫府仙人居之其北臺之山冬夏常冰雪不可居即文殊師利常鎮毒龍之所今多佛寺四方僧徒善信之士多往禮焉

謁泉山

隋圖經曰西河謁泉山一名隱泉山有石室子夏退居之所

水經注曰謁泉山谷云陽雨憊時謁禱是應故得其名

懸礬山

郡國志曰懸礬山一名龍山亦名結紉山多鱉魚食之不驕晉水出焉又有象山前趙錄云劉聰征劉琨不克略晉陽踰象山而歸也又汾水自陽曲縣界流入南過晉陽縣

晉水從縣南流注之又有洞過水西入于汾晉水下口也
又有晉祠水經注曰偃西山枕水有唐叔虞祠水側有涼
堂晉川之中最為勝處

姚最序行記云高洋天保年中大修樓觀于此

五指山

李穆叔趙記曰轅陽東北有五指山巖石孤聳上有一手
一足之迹厥大如箕指數俱全

又郡國志云北齊宣王遣人量之長七尺

又十六國春秋云石勒當生之時此山上草木皆為鐵騎
之形

紇真山

冀州圖經曰紇真山在城東北登之望桑乾代郡數百里
內宛然

又郡國志云望之數百里之內夏恒積雪故彼人語曰紇

真山頭凍死雀何不飛去生處樂

又有神泉人歌曰紇真山頭有神丹入地千尺紇骨冷是
山北十里有白登山

元姬山

冀州圖經曰元姬山在馬邑後魏書云道武侍人姓李善
謳歌死葬此山魏主思之樂府為之曲其曲存焉

白登山

冀州圖經曰白登山在定襄縣東北漢高所困之處上有
臺因山為名

火山

冀州圖經曰火山在定襄縣西五里
水經注曰西溪水源出火山山有火井南北七十步深不

見底炎熱上升常若雪之發嚮以草囊之則煙騰火發其
山一名熒臺井東五六尺有陽井廣輪與大井相狀熱勢
亦同東有火井祠歲時祀之井北百步有東西谷廣十許
步南岸下有風穴厥大容人其深不測而穴中肅肅常有
微風雖三伏亦凜冽

三山

隋圖經曰河東都三山卽舜所耕歷山也禹貢所謂壺口
雷首至于太岳壺口山在慈州太岳在晉州雷首在河東
界此山有九名謂歷山首山薄山襄山甘棗山渠猪山獨
頭山隔山等之名又湯伐桀升自隔之所

隋圖經曰稷山在絳郡后稷播百穀於此山亦左氏傳謂
晉侯治兵於稷以略狄土是此也

後魏曰高涼山隋已後又爲稷山

霍山

隋圖經曰霍山在洪洞縣東北霍水出焉
水經注云發源成潭潭闊七十步而不測其深
爾雅云霍山之多珠玉焉
又有聖人崖崖有七穴相通
又水經云霍山北有雀鼠谷中道險左右柱結成偏梁閣
道累石成路俗謂之魯班橋也

平山

隋圖經曰平山在平陽一名壺口山尚書謂壺口治梁及
岐卽此地也今名姑射山在縣西平水出其下
又山海經云憲山之南三百里有姑射山
冀州圖經云西入文成郡以山爲界

又莊子云堯見姑射神人杳然喪其天下卽是此山也

山海經曰上黨發鳩山多柘木有鳥狀如烏而文首白喙赤足名曰精衛其鳴自相呼云炎帝女東遊溺海化鳥今猶銜石以填之

道書福地記曰抱犢山

在上黨東南高七丈有石城高十丈方一里東南角有草名玉照下枝冬生花高五六尺味頗甘取其末服之方寸七日三不飢宜五穀多食物無惡毒寇賊不至。玉匱云抱犢山東北去恒山之南數百里云南有穴行三百里出美陽縣西七十里名洞口

又隋圖經曰單山卑音蔽今名抱犢山四面危絕山頂有二泉後魏葛榮亂百姓抱犢上山固以名之也

房山

隋圖經曰房山嶺上有王母祠甚靈俗號為王母山後漢書曰章帝永和三年幸趙祠房山卽謂此山也在縣西北十里濊水出焉亦謂石白水又謂之鹿水出行唐東入博陵謂之木刀溝一謂袞袞水又從此過石童山南流入滹沱河前燕慕容儁時房山王母祠前大樹自拔根下得玉圭璧八十三顆光色稍奇儁以為岳神之命以大牢祭之每祀有一虎來往祠側性頗馴狎而不害於物

韓信山

隋圖經曰韓信山圓峻俗呼為韓信臺又呼為土門口西入井陘即向太原路是此也又有韓信城信破趙駐軍於此

湯山

山海經曰湯山湯水出焉此湯能愈疾爲天下最
又按隋圖經云湯後側巖上有石室一戶無塵穢俗號曰
聖人室下經銅烏廟有碑題云漳河神壇是也
李公緒記曰柏仁縣有干山言山衛詩云出宿于干飲餞
于言是此也
九州要記曰墨子昔居汲郡黑山採茯苓餌五百歲或老
或少
又魏志漢獻帝初平二年黑山賊爲毒自統睦固等十萬
餘衆以掠魏郡也又云一名青山
列仙傳曰犢子鄴人在黑山常牽一黃犢來過鄴城沽酒
陽都女見悅之遂留相奉都女生死連眉卽此者也

土地十三州志云黑山險爲逋逃幽藪
隋區宇圖志云周太祖諱黑因改黑山爲青山也

雷公山

隋圖經曰雷公山耆老傳曰魏時黑山群盜張燕等不立
君長直以名號爲稱多稱者謂之祗公大聲者謂之雷公
時雷公賊保此山因以爲名

鼓山

隋圖經曰鼓山亦名塗山
宋永初古今山川記云鼓山如石鼓形二所南北相當二
鼓相去十里
冀州圖經云鄴城西有石鼓鼓自鳴卽有兵魏都賦云神
鉦迢遞於高巒是也高齊末此鼓鳴未幾云鄴城有兵而
齊滅隋文季年又鳴聞數百里也

隆慮山

隋圖經曰隆慮山一名林慮蓋隋縣西二十里山有三峯南第一峯名仙人樓高五十丈下有黃花谷北巖出瀑布水注成池黃花谷西北有洞穴去地十餘仞下有小山孤竦謂之玉女臺高九百丈其山北一峯名舉峯其北有偏橋即抱犢山也南接大行北連恒岳又按顏修內傳曰橋順字仲產有二子曰璋曰琮師事仙人盧子基於隆慮山栖霞谷教二子清虛之術服飛龍藥一九千年不飢魏文帝詩曰西山有雙童不飲亦不食謂此也

鮮卑山

隋圖經曰鮮卑山在柳城縣東南崔鴻十六國春秋慕容廆先代居遼左號曰東胡其後雄

昌與匈奴爭盛秦漢之際為匈奴所敗分保鮮卑山因復以山為號也棘城之東塞外又有鮮卑山在遼西之西北一百里與此異山而同號

大碣石山

地理志曰大碣石山在右北平驪城縣西南王莽改曰碣石也漢武帝亦常登之以望巨海而勒其石今於此枕海有石如堦道數十里當山頂有大石如柱形往往而見立於海之中潮水大至則隱及潮波退不動不沒不知深淺世名之天橋柱也狀若人造亦非人力所就韋昭亦指此以為碣石也

白狼山

郡國志曰白狼山一日鹿首山魏武於此逢師子處

事具獸部

鳴雞山

隋圖經曰鳴雞山在懷戎縣東北本名磨笄山昔趙襄子殺代王其夫人日代已亡矣吾將何歸遂磨笄於山而自殺代人憐之爲立祠焉因名其山爲磨笄山每夜有野雞群鳴於祠屋上故亦爲鳴雞山

歷山

後魏輿地圖風土記曰潘城西北三里有歷山形似覆釜故以名之其下有舜祠瞽叟祠存焉

川喬山

山海經曰川喬山有黃帝祠大荒內有軒轅臺射者不敢西向畏軒轅故也

梁湘東王臨終詩云寂寥千載後誰畏軒轅臺

大翻山小翻山

山海經曰大翻山小翻山有王仲廟仲字次仲年小入學

而遠常先到其師恠之謂不歸使人候焉實在家等輩常見次仲捉一小棘木長三尺餘至著屋閒欲取輒不見及年弱冠變蒼頡舊文爲今隸書秦始皇時官務繁多次仲爲文簡略赴急用之大嘉使勸不至始皇大怒詔檻車送之次仲吟詠化爲大鳥出車外翻然高飛徘徊長引至于西門山落二翻因名之也

飛龍山

隋圖經曰飛龍山又名封龍山

十六國春秋前趙錄云王俊遣祁弘率鮮卑山討石勒戰於飛龍山下勒師大敗
又趙記云每歲有疾風雹雨東南而行俗傳此山神女爲東海婦而三石人猶存衣冠全具其北卽張耳故墟耳

無終山

隋圖經曰無終山一名步陰山又名翁同山神仙傳云仙人白仲理者遼東人也隱居無終山中合神丹又於山中作金五千斤以救百姓即此山也

又水經云翁伯周末避亂適無終山山前有泉水甚清夏嘗澡浴得玉藻架一雙於泉側

又搜神記云無終山又有陽翁玉田昔雍伯雒陽人父母終葬於無終山山高八十里上無水雍伯置飲有人就飲飲與石一升令種之後玉生得白璧五雙娉北平徐氏遂家焉

燕山

隋圖經曰燕山在易縣東南七十里巖側有石鼓去地百餘丈望之若數百石因左右梁貫之鼓東南有石人援桴

之狀同擊勢云燕山石鼓鳴則有兵

龍山

隋圖經曰龍山在易縣西南三十里有龍山石上往往有仙人及龍跡西麓谷有一坑大如車輪春則風出東夏出南秋出西冬出北有沙門法猛以夏日入其東穴見石堂石人欲窮諸穴便有一人厲聲云法師有滯三穴皆如東者不宜仍來見穢猛仍意不息不覺忽在穴外也

孔山

水經注曰易水東經孔山北又隋圖經云孔山有孔表裏通徹故名爾

太平御覽卷第四十五

天... 水... 不... 南... 離... 宿... 安...

太平御覽卷第四十六

地部十一

江東諸山

敬亭山

牛渚山

博望山

三鶴山

三山

石城山

北固山

馬鞍山

蒜山

花山

蓋山

慈母山

陵陽山

黟山

橫山

攝山

虎丘山

中州山

會骸山

虞山

九華山

蕪湖山

白紵山

靈山

鐵硯山

黃鶴山

女山

三白山

石姥山

陽城山

幘山

望夫山

中山

巖山

九井山

覆船山

秦履山

馬蹄山

大辟山

姑蘇山

硯石山

香山

華山

故菴山

包山

石鼓山

栗山

大科山

定山

封山

峯嶺山

風觀山

孺子山

響山

晚山

秦觀山

百丈流襄二山

印渚山

蜀嶺山

天目山

卞山

嶺山

武共山

敬亭山

靈山

嶺山

郡國志及宋永初山川記曰宛陵北有敬亭山山有神祠即謝朓賽雨賦詩之所其神云梓華府君頗有靈驗

蓋山

蓋山

蓋山

蓋山

紀義宣城記曰登蓋山一百許步有泉俗傳云昔有舒氏女未適人其父析薪於此女忽坐泉側牽挽不動父遽告家比來唯見清泉湛然其女性好音樂乃作絃歌即泉涌

浪迴復有赤鯉一雙躍出今作樂嬉遊泉猶故沸涌

九華山

九華山錄曰此山奇秀高出雲表峯巒異狀其數有九故號九子山焉李白因遊江漢視其山秀異遂更號曰九華又曰山之上池塘數畝水田千石其池有魚長者半尋頽首頽尾朱鬚丹腹人欲觀之叩木魚即躍以可食之物散於池中食訖而藏焉其水流洩為龍池溢為瀑泉入龍潭溪有白塘窟其土如麪不糝歲人多食之顧野王輿地記曰元華山山高一千丈

劉禹錫序曰余嘗愛終南太華以為此外無奇愛女几荆門以為此外無秀及見九華始悼前言之容易也

嶺山

宣城圖經曰嶺山北面迤邐連九華山其山層峯嵯峨遐

睇狀如冠幘因號為幘山

牛渚山

宣城圖經曰牛渚山突出江中謂為牛渚圻古津渡處也江表傳云司馬徽論運命曆數云黃旗紫蓋見於東南終有大下者荆楊君子又壽春童謠言天子當西上孫皓大喜即載妻子及後宮數千從牛渚陸道西上云青蓋入洛陽適還大雪寒凍殆死輿地志云牛渚山首有人潛行云此處連洞庭傍達無底見有金牛狀異乃驚怪而出牛渚山北謂之採石按今對採石渡口上有謝將軍祠又按江源記云商侶於此取石至都輸造石渚因名採石吳初以周瑜屯牛渚鎮西將軍謝尚亦鎮此城

慈母山

宣城圖經曰慈母山在當塗縣北臨江丹陽記云山生簫管竹王褒洞簫賦云原夫簫管之所生于江南之丘墟即此處也其竹圓緻異於眾處自伶倫採竹嶰谷已後唯此簫見玆歷代常給樂府而俗呼為鼓吹山山有慈母祠也

蕪湖山

宣城圖經曰蕪湖山在縣西南山因湖以名之漢末於湖側置蕪湖縣以其地卑畜水非深而生蕪藻故因以名縣焉晉為重鎮謝尚王敦皆鎮於此陳平縣廢以其地入常塗縣

望夫山

宣城圖經曰望夫山昔人往楚累歲不還其妻登此山望夫乃化為石其山臨江周迴五十里高一百丈

博望山

宣城圖經曰博望山有二山夾大江東曰博望西曰天門
按郡國志云天門山亦曰峨嵋山楚獲吳餘艘於此按其
山相對時人呼為東梁西梁山據縣圖為天門山

輿地志云博望梁山東西隔江相對如門相去數里謂之
天門

宋孝武詔曰梁山天表象魏以旌國形仍以二山為立闕
故曰天門

陵陽山

宣城圖經曰陵陽山在涇縣西南一百三十里
列仙傳云陵陽子明釣得白龍放之後五年龍來迎子明
上丹陽陵陽山一百餘年乃得仙山高一千餘丈又有子
安仙人也來就子明二十年一旦忽死因葬山下常有黃

鵠栖其處樹上鳴云子安子安也

白紵山

宣城圖經曰宣州白紵山在縣東五里本名楚山相溫領
妓遊此山奏樂好為白紵歌因改為白紵山

中山

宣城圖經曰宣州中山又名獨山有溧水縣東南一十里
不與群山連接古老相傳云中山有白兔世稱為筆最精
山前有水源號為獨水按輿地記云宣州溧水縣有獨山
下有獨水流演不息即此山也

三鶴山

宣城圖經曰三鶴山在溧水縣東南六十里昔有潘氏兄
弟三人於此山求仙後道成化為三白鶴於此冲天

黟山

太平御覽

卷四十六

四

歙縣圖經曰北黟山在縣西北一百六十八里高一千一百七十七丈豐樂水出焉舊名黃山天寶六年勅改焉案江南諸山之大有天台天目而天目近連浙江天台俯瞰滄海江海者實以地下爲白川所歸然歙州則江之上游而海之濫觴也今計歙州之平地已合與二山齊矣况其山又有摩天戛日之高此則浙江東西宜歙池饒江州等山並是此山之支脉明矣其諸峯悉是積石有如削成煙嵐無際雷雨在下其霞城洞室符竇瀑泉則無峯不有若林澗之下巖巒之上奇蹤異狀不可摸寫信靈仙之窟宅也山中峯有浮丘公仙壇彩霞靈禽棲止其上是浮丘公與容成子遊之處所昔有人到壇所忽見樓臺煥然樓前有蓮池左右有鹽積米積遂歸引村人上取了不知其處所山下人往往聞峯上有仙樂之聲

靈山

郡國志曰歙縣有靈山天欲雨先聞鼓角聲此山上有圓石如車蓋縣以鼓鳴爲候一鳴令遷不鳴令不去山一名三姑山三年一野火燒數未滿人燒之卽雨新安記曰靈村有山生香草名曰靈香又有黃精山上有靈壇道士祈請不燒香自然芳馥村人常射獵經踐此土犯山神終無所獲又輿地志云靈山高峻有圓石高數丈上有石蓋也

山謙之丹陽記曰秣陵縣南三十里有巖山山西有石室山東大道左有方石長一丈刻勒銘題贊吳功德孫皓所建也

山謙之丹陽記曰江寧縣北十二里濱江有三山相接即名三山舊時津濟道也

山謙之丹陽記曰丹陽縣東十八里有橫山連亘數十里或云楚子重至于橫山是也

山謙之丹陽記曰永世記云縣南百餘里鐵峴山廣輪二百許里山出鐵楊州今鼓鑄之

姑熟記曰縣南十里有九井山即殷仲文九日從桓公遊九井賦詩處也

江乘地記曰石城山嶺鄣千里相重似若一遊歷者以為

吳之石城猶楚之九疑也多生箭竹又有桑樹山上有城因以名焉

攝山

江乘地記曰扈村有攝山山多藥草可以攝生因名之方四面各起重嶺遊者名繖山形似繖也山頂舊有周江乘

廟傳云吳時人未詳名字

黃鶴山

京口記曰有黃鶴山在縣界晉王恭為刺史改創西南樓名萬歲西北名芙蓉樓至今存焉又輿地志云俗傳此樓飛向江外以鐵鎖縻之方已

覆船山

梁武輿駕東行記曰有覆船山酒罌山南次高驪山傳云昔高驪國女來東海神乘船致酒禮娉之女不肯海神撥船覆酒流入曲阿故曲阿酒美也

南徐州記曰城西北有別嶺入江三面臨水號云北固。劉楨京口記云迴嶺入江懸水峻壁舊北固作固守梁高祖云作鎮作固誠有其語然北望海口實為壯視以理而推宜改為顧望之顧。輿地志云天景清明登之望見廣陵城如在青霄中。

虎丘山

顧凱之虎丘山序曰吳城西北有虎丘山

越絕書曰闔閭冢名虎丘銅槨三重

女山

山謙之南徐州記曰丹徒縣西九里臨江有女山山東許貢客刺孫策所也

秦履山

山謙之南徐州記曰暨陽縣西南可三十五里有秦履山傳云秦皇登之以望江海

馬鞍山

山謙之南徐州記曰暨陽縣北九里馬鞍山東有黃山郭璞葬所

中州山

山謙之南徐州記曰南沙縣北百里有中州山昔在海中去岸七十里義熙以來沙漲遂與岸連

三白山

山謙之南徐州記曰剡縣有三白山出鐵常供戎器山東頭南面有石穴高丈餘容十數人恒津液流潤天將雨輒有雲羣行從南來暎山山亦出雲應之與同北就虞山即大雨矣

馬蹄山

劉楨京口記曰石峴東連馬蹄山山石有馬蹄跡因以爲名

赤山

劉楨京口記曰赤山無峯嶺臨江魏文帝南望致歎

會骸山

吳郡緣海四海縣記曰帶海有會骸山中骸山骨亦中傳云山有金牛昔有兄弟三人共鑿求之坎崩同死因以爲名

石姥山

劉道真錢唐記曰石姥山有一石甌厥狀殊似居絕嶺之巔大數十圍下有三石足支之

大辟山

郡國志曰餘杭大辟山本名餘杭山一名由拳高峻爲最旁有由拳村出藤紙

花山

晉書曰郭文舉隱於餘杭大辟山中曾有猛獸殺一麀於庵側文舉因以語人人取賣之分錢以奉文舉曰我若須此自當賣之所以相語不須故也

虞山

陸道瞻吳郡記曰吳縣有花山太康中生千葉蓮花於上故曰花山

陽城山

董監吳地記曰富春有陽城山縣氏所葬漢末上有光雲氣屬天

姑蘇山

董監吳地記曰姑蘇山一名姑書連橫山之北越絕書云吳地胥門外有九曲路闔閭造以遊姑胥之臺望湖中闔百姑淮南子亦謂之姑餘

硯石山

董監吳地記曰硯石山在縣西門外亦名石鼓山又有琴臺在其上越絕書云吳人於硯石置館娃宮

劉逵注吳都賦引楊雄方言云吳有館娃宮吳人呼美女為娃故三都賦云幸乎館娃之宮張女樂而娛羣臣今吳縣有館娃鄉

香山

董監吳地記曰香山吳王遣美人採香於山因以為名故

有採香徑

華山

華山精舍記曰老子枕中記云吳西界有華山可以度難父老云山頂北有池上生千葉蓮花服之羽化因曰華山長林森大荒楚蔽日輿地志云山上有石鼓晉隆安中鳴乃有孫恩之亂山在縣西六十三里

包山

吳地記曰包山在縣西一百三十里中有洞庭深遠世莫能測吳王使靈威丈人入洞穴十七日不能盡因得玉葉上刻靈寶經二卷使示孔子云禹之書也又郡國志云洞庭山有宮五門東通林屋西達峨嵋南接羅浮北達岱岳

又按玄中記云吳國西有具區澤中包山有洞庭寶室入
地下潛行通琅耶東武五門東淮南子云斷脩蛇於洞庭元禹左傳云哀公元年夫差敗越於夫椒今太湖中別有夫椒
山下有大洞天宮潛通五岳包山上舊無三班謂蛇虎雉
侯景亂後乃有虎蛇為人之害

石鼓山

郡國志曰吳王離宮在石鼓山越王獻西施於此山山有
石馬望之如人騎南有石鼓鼓鳴即兵起

粟山

吳地記曰粟山一名新石頭山上有城下有飛泉石杵有
吳先王刻題處石杵西有金舍古老言古於北採金
劉道真記云縣西有姥山絕嶺之上有石甌一人搖輒動

與千人不異

定山

吳地志曰定山突出浙江中波濤所衝行侶為阻礙
謝靈運詩曰朝發漁浦南暮宿富春郭定山杳雲霏赤亭
無淹泊此山是也

封山

吳興記曰風渚在武康縣東十八里古防風國有風公廟
水經曰風渚山即封山也

峯嶸山

吳興記曰於潛縣西二里有峯嶸山有絕壁高三丈許丈
謝安嘗登之臨壁垂足日伯昏無人何以過是當時稱以
為難一云本在太湖中禹治水移於此

吳興記曰東孺子山蓋平山嶺千人是吳文人所登之

吳興記曰東遷縣有孺子山徐孺子入吳吳友人嘗登之因以為名

響山

吳興記曰晚山北十八里有響山人於山下語無大小響則隨聲曲折應之

晚山

吳興記曰於潛縣西六十里有晚山悉是松木真墨所出也

百丈流襄二山

吳興記曰山墟村有山名曰百丈流襄二山堯遭洪水此山不沒但餘百丈因以名山水流襄山嶺因名流襄

印渚山

吳興記曰印渚山上承浮溪水從渚以上至縣悉石瀨惡

道不可行船以下水道無險故行旅集焉晉王胡之為吳興太守至印渚中歎曰非唯使人心情開滌亦覺日月清朗傳云渚次石支似印因以為名

天目山

郡國志曰天目山上有數百年樹名曰翔鳳樹

輿地志云上有兩湖謂左右目故名天目也山極高峻上多美石泉水名茶

雜道書曰天目山左高於地七千五百丈右高於地七千丈從廣三千里上有淵中有魚可食無毒蟲

水經注曰吳興郡於潛縣北有天目山山極高峻崖嶺竦疊西臨峻澗山上有霜木皆是數百年樹謂之翔鳳林東

面有瀑布下注數畝深沼名曰蛟龍池水南流經縣西為縣之西溪

卞山

郡國志曰卞山卞和採玉處山東足有一石簣高數尺晉
 太康中人開之風雨晦冥遂世歷代莫知所封
 又宋書云蕭惠明為吳興太守郡界有卞山山下有項羽
 神廟相承云羽多居郡廳事前後七八來守不敢上廳惠
 明謂綱紀曰孔季恭曾為此郡未聞有災遂盛設筵榻接
 賓數日未幾惠明忽見一人長丈餘張弓挾矢向之既而
 不見因發背旬日而殞

太平御覽卷第四十六

